



1913-yil aprel oyidan chiqib boshlagan



www.zarnews.uz



https://www.facebook.com/zarnews.uz



@zarnews\_uz



https://twitter.com/zarnews\_uz

# KONSTITUTSIYA – SENIKI, MENIKI, BIZNIKI!

O'zbekiston Respublikasi Prezidentining FARMONI

## ISH HAQI, PENSIYALAR VA NAFAQALAR MIQDORINI OSHIRISH TO'G'RISIDA

Aholi turmush darajasini oshirishga qaratilgan chora-tadbirlar izchilligini ta'minlash hamda fuqarolarning daromadlarini oshirib borish maqsadida:

1. 2023-yil 1-apreldan boshlab pensiyalar va nafaqalar miqdori 7 foizga oshirilsin.
2. 2023-yil 1-apreldan boshlab O'zbekiston Respublikasi hududida: pensiyani hisoblashning bazaviy miqdori – oyiga 347 000 so'm; yoshga doir eng kam pensiya miqdori – oyiga 677 000 so'm; nogironlik pensiyalari, jumladan, ish staji to'liq bo'lmagan chog'dagi nogironlik pensiyasining eng kam miqdori – oyiga 747 000 so'm; mehnatga layoqatsiz fuqarolarga beriladigan nogironlik nafaqasi va bolalikdan nogironligi bo'lgan shaxslarga beriladigan nafaqa miqdori – oyiga 747 000 so'm; 1941–1945-yillardagi urush oqibatida nogiron bo'lgan shaxslar va uning qatnashchilari, shuningdek, fashistlar konslagerlarining voyaga yetmagan sobiq mahbuslari va Leningrad shahri qamal qilingan davrda ishlagan shaxslarning eng kam pensiya miqdori ustamalarini inobatga olgan holda – oyiga 3 296 000 so'm; belgilangan yoshga doir eng kam pensiya miqdoridan (677 000 so'mdan) 747 000 so'mgacha pensiya oluvchilarning yoshga doir pensiyalari miqdori – oyiga 747 000 so'm; zarur ish stajiga ega bo'lmagan keksa yoshdagi fuqarolarga beriladigan nafaqa miqdori – oyiga 535 000 so'm; ish staji to'liq bo'lmagan chog'dagi yoshga doir pensiyaning eng kam miqdori qo'shimcha to'lovni hisobga olgan holda – oyiga 535 000 so'm; o'zgarar parvarishiga muhtoj nogironligi bo'lgan 18 yoshgacha bolalarning parvarishi bilan band bo'lgan bolaning qonuniy vakiliga beriladigan nafaqa miqdori – oyiga 535 000 so'm; boquvchisini yo'qotganlik nafaqasi oluvchilarning bir nafar mehnatga qobiliyatsiz oila a'zosi uchun nafaqa miqdori – oyiga 535 000 so'm etib belgilansin va keyingi har bir mehnatga qobiliyatsiz oila a'zosi uchun – 198 000 so'mdan qo'shilsin; boquvchisini yo'qotganlik pensiyasi oluvchilarning bir nafar mehnatga qobiliyatsiz oila a'zosi uchun pensiyaning eng kam miqdori – oyiga 535 000 so'm etib belgilansin va keyingi har bir mehnatga qobiliyatsiz oila a'zosi uchun amaldagi tartibga muvofiq pensiya to'lansin.
3. 2023-yil 1-maydan boshlab budget

O'zbekiston Respublikasi  
Prezidenti

Toshkent shahri,  
2023-yil 28-mart

SH.MIRZIYOYEV

tashkilotlari xodimlarining ish haqi miqdori 7 foizga oshirilsin.

4. 2023-yil 1-maydan boshlab O'zbekiston Respublikasi hududida: mehnatga haq to'lashning eng kam miqdori – oyiga 980 000 so'm; bazaviy hisoblash miqdori – oyiga 330 000 so'm etib belgilansin.
5. Belgilansinki: budget tashkilotlari xodimlarining ish haqlarini oshirish bilan bog'liq xarajatlar – O'zbekiston Respublikasining "2023-yil uchun O'zbekiston Respublikasining Davlat budgeti to'g'risida"gi Qonuniga muvofiq ish haqi, pensiyalar, stipendiyalar va nafaqalar miqdorini, shuningdek, ayrim xizmat turlari bo'yicha tariflarni oshirish bilan bog'liq xarajatlar uchun ajratilgan budget mablag'lari hisobidan;

pensiyalar va nafaqalar miqdorlarini oshirish bilan bog'liq xarajatlar – Davlat budgeti hamda Iqtisodiyot va moliya vazirligi hududidagi budgetdan tashqari Pensiya jamg'armasi mablag'lari hisobidan qoplanadi.

6. Mazkur Farmon talablarini bajarish uchun talab etiladigan qo'shimcha mablag'lar O'zbekiston Respublikasining respublika budgeti xarajatlarini oshirish hisobiga moliyalashtirilsin.

Ish beruvchilarga ish haqi miqdorini qonunchilik hujjatlarida belgilangan mehnatga haq to'lashning eng kam miqdoridan kam bo'lmagan holda to'lashni ta'minlab, ish haqi miqdorini mehnatga haq to'lashning eng kam miqdoriga muvofiq oshirish tavsiya etilsin.

7. Iqtisodiyot va moliya vazirligi: O'zbekiston Milliy axborot agentligi, O'zbekiston Milliy teleradiokompaniyasi, Axborot va ommaviy kommunikatsiyalar agentligi bilan birgalikda ushbu Farmonning maqsadi, vazifalari va undan kutilayotgan natijalarni ommaviy axborot vositalari, Internet va ijtimoiy tarmoqlarda keng yoritish ishlarini tashkil qilsin;

manfaatdor vazirlik va idoralar bilan birgalikda ikki oy muddatda qonunchilik hujjatlariga ushbu Farmondan kelib chiqadigan o'zgartirish va qo'shimchalar to'g'risida Vazirlar Mahkamasiga takliflar kiritilsin.

8. Mazkur Farmonning ijrosini samarali tashkil qilishga mas'ul va shaxsiy javobgar etib iqtisodiyot va moliya vaziri Sh.D. Kudbiyev belgilansin.

Farmon ijrosini muhokama qilib borish, ijro uchun mas'ul tashkilotlar faoliyatini muvofiqlashtirish va nazorat qilish Bosh vazir o'rinbosari J.A. Qo'chqorov zimmasiga yuklansin.



## YOSHLAR O'ZGARISHLARGA BEFARQ EMAS

Jomboy tumanida "Konstitutsiya meniki, seniki, bizniki! Konstitutsiya o'zimizniki!" shiori ostida targ'ibot tadbiri o'tkazildi.

Unda mamlakatimizdagi avtomobil ishlab chiqaruvchi korxonalar xodimlari, tadbirkorlar, harbiylar, sportchilar va yoshlar vakillari ishtirok etdi. Tadbirida so'zga chiqqanlar keyingi yillarda mamlakatimizda amalga oshirilayotgan keng ko'lamlil islohotlar va ularning samarasi haqida gapirib, ishtirokchilarni yangilanyotgan Konstitutsiya uchun o'tkaziladigan referendumga befarq bo'lmaslikka chaqirdi.

- 2010-yilda o'z faoliyatini boshlaganman, - deydi urgutlik tadbirkor Xurshid To'rayev. – 2014-yilda Urgut tumanida sellofan ishlab chiqarishni yo'lga qo'yganimda korxonada xodimlari 23 nafarni tashkil etardi. Bugungi kunda ularning soni 3 ming nafarga yetdi. Imkoniyatlardan foydalanib, qurilish korxonasi faoliyatini yo'lga qo'ydim. Xorijiy investorlarni jalb qildik. Mamlakatimizning turli hududlarida yangi binolar quryapmiz. Yurtimiz ravnaqi, tadbirkorlik rivoji, ishchi xodimlar va farzandlarim taqdiriga befarq bo'lmagan holda 3 ming kishilik jamoamiz va oila a'zolarim bilan birga

30-aprel kuni o'tkaziladigan referendumda faol ishtirok etamiz. Tadbirida sambo bo'yicha ikki karra jahon чемпиони, sakkiz karra Osiyo чемпиони, Toyloq olimpiya va paralimpiya sport turlariga tayyorlash markazi sambo bo'lmi katta treneri Shavkat Jo'rayev o'z shogirdlari bilan ishtirok etib, erishayotgan yutuqlari haqida so'zlab berdi.

- Mamlakatimizda sportga alohida e'tibor qaratilayapti, - deydi u. - Buning samarasini futbolchilarning, kurashchiy bokschilarning, shaxmatchilarimiz va boshqa sportchilarning natijalarida ko'rishimiz mumkin. Men faoliyat yuritayotgan markazda ham chempionlar safi yildan-yilga kengayib bormoqda. Kelgusida ham ko'plab shogirdlar tayyorlab, chempionlar yetishib chiqishi uchun bor kuch-g'ayratimni ayamayman. Bu yo'lida yangilanyotgan Konstitutsiyamiz bizga yana-da keng imkoniyatlar yaratishiga ishonaman.

Poytaxtdan kelgan san'atkorlarning chiqishlari ishtirokchilarga o'ziga xos zavq bag'ishladi.

Shu kabi targ'ibot tadbiri "Ipak yo'li" turizm va madaniy me'ros xalqaro universitetida ham o'tkazildi.

Barno BOTIROVA,  
Baxtiyor MUSTANOV (surat).



## REFERENDUM O'TKAZUVCHI UCHASTKALAR TUZILDI

29-mart kuni 7-Samarqand okrug komissiyasining navbatdagi majlisi o'tkazildi. Komissiya raisi F.Toshev boshqargan yig'ilishda okrug hududida referendum uchastkalarni tuzish haqidagi masala ko'rib chiqildi.

"O'zbekiston Respublikasining referendumi to'g'risida"gi Qonunning 16-moddasiga ko'ra, referendum uchastkalari tumanlar, shaharlar hokimlarining taqdimnomasiga binoan referendum o'tkazuvchi okrug komissiyalari tomonidan tuzilishi kerak. Harbiy qismlarda referendum uchastkalari qismlar yoki harbiy qo'shimlalar komandirlarining taqdimnomasiga binoan tuziladi. Ushbu tartiblarga ko'ra, viloyatda 1111 ta referendum uchastkasi tuzishga qaror qilindi. Eng ko'p uchastkalar Samarqand shahri (175 ta) va Urgut tumanida (126 ta), eng kam Kattaqo'rg'on shahri (33 ta) va Paxta-

chi tumanida (43 ta) tuzildi. Referendum o'tkazuvchi uchastkalar haqidagi ma'lumotlar tuman va shahar gazetalarida va boshqa ommaviy axborot vositalarida e'lon qilinadi. Uchastkalar referendumda ishtirok etish huquqiga ega bo'lgan fuqarolarning, qoida tariqasida, kamida yigirma va ko'pi bilan uch ming nafardan iborat etib tashkil etilmoqda.

Referendum uchastkalarining 890 tasi umumiy o'rta ta'lim maktablari, 58 tasi kollej, litsey va texnikumlarda, 41 tasi mahalla fuqarolar yig'inlarida, 52 tasi tibbiyot, sanatoriy va dam olish muassasalarida, 16 tasi oliy o'quv yurtlari binolarida, 11 tasi harbiy qism va ozodlikdan mahrum etish muassasalarida faoliyat olib boradi.

Majlisdan so'ng okrug komissiyasi raisi ishtirokida o'tkazilgan brifingda 7-Samarqand okrug bo'yicha shu paytgacha amalga oshirilgan ishlar haqida ma'lumot berildi.

Okrug matbuot markazi.

### AMALDAGI KONSTITUTSIYADA

17-modda.

O'zbekiston Respublikasi xalqaro munosabatlarning to'la huquqli sub'yektidir. Uning tashqi siyosati davlatlarning suveren tengligi, kuch ishlatmaslik yoki kuch bilan tahdid qilmaslik, chegaralarning daxlsizligi, nizolarni tinch yo'l bilan hal etish, boshqa davlatlarning ichki ishlariga aralashmaslik qoidalariga va xalqaro huquqning umume'tirof etilgan boshqa qoidalari va normalariga asoslanadi.  
Respublika davlatning, xalqning oliy manfaatlarini, farovonligi va xavfsizligini ta'minlash maqsadida ittifoqlar tuzishi, hamdo'stliklarga va boshqa davlatlararo tuzilmalarga kirishi va ulardan ajralib chiqishi mumkin.



### KONSTITUTSIYAVIY QONUN LOYIHASIDA

17-modda.

O'zbekiston Respublikasi xalqaro munosabatlarning to'la huquqli sub'yektidir.  
O'zbekistonning tashqi siyosati davlatlarning suveren tengligi, kuch ishlatmaslik yoki kuch bilan tahdid qilmaslik, chegaralarning buzilmasligi, davlatlarning hududiy yaxlitligi, nizolarni tinch yo'l bilan hal etish, boshqa davlatlarning ichki ishlariga aralashmaslik prinsiplariga hamda xalqaro huquqning umume'tirof etilgan boshqa prinsip va normalariga asoslanadi.

18-modda.

O'zbekiston Respublikasi davlatlar va xalqaro tashkilotlar bilan ikki va ko'p tomonlama munosabatlarni har taraflama rivojlantirishga qaratilgan tinchliksevar tashqi siyosatni amalga oshiradi.  
O'zbekiston Respublikasi davlatning, xalqning oliy manfaatlaridan, uning farovonligi va xavfsizligidan kelib chiqqan holda ittifoqlar tuzishi, hamdo'stliklarga va boshqa davlatlararo tuzilmalarga kirishi hamda ulardan chiqishi mumkin.





